

古今文統序

無文者文之始也混茫

成紀上則爲日星下則

爲河岳天地文章莫大



於是長卿子雲豈非西

京表表者乃美新封禪

諸名作反爲獻諛逢迎

首悲夫他不具論六經

爲文字祖周易爲六經
祖而鑿度元包轉相摹
效義經尚爾况七畧四
庫間哉攷唐四庫書目

有鄭玄注書詩緯及宋

均注易緯而無鑿度即

緯書僞起哀平上并石經

等而非古也元祐田氏

家筭始列乾坤兩鑿度
焉中有太古文目元皇
介一十四書皆宋儒附
會語也元包出衛元嵩

手不足辨獨潛虛五十

倣易六十四體司馬溫

公亦復爲之唐宋文人

效慕已然何怪今天下

家鶚冠而人太玄也兵
家正正奇奇不妨互用
然吾謂制詭設奇非孫
武穰苴不能用即孫武

穰苴亦用之而不敢常

也使不擊刁斗不嚴部

署驅市人女子而使之

戰有股栗却走耳然則

吠聲尋影好爲玄白之
譚者何異以市人女子
而反行孫武穰苴事乎

今

聖主時乘若杲旭當空
魑魅遁形正文人蔚興
之候安得昌黎復出再
起八代之衰也夫詩盛

于唐而唐以後非無詩
文盛于漢而漢以後非
無文與其僞而其耽怪
僻無寧真而各布性靈

果爲真不爲偽即人持

一幟盡可入文壇而建

旗鼓麾走墨兵何用優

孟衣冠假作排場面目

乎哉斯集在定統系嚴
真偽緣法以示人立象
以盡意鑒裁苦心作者
自得之

日講宮允陳仁錫題



古今文統序

今天下競言文事哉晨
宵發憤僅羔雁資耳七
篇而外無渡有文章四
子書額經外世渡有誦

讀結社課業外無後有
學問就所謂淺叅今古
學究天人湛乎經術通
乎世務者世縱不三人
乎然正未易數然也

蓋推之始不免有苟且
希俸之心而主究遂深
入膏肓不可救療文體
安得少畧文韻安得不
弱文骨安得不靡於是

正統既裂而潰決隨之
矣此豈獨文事哉

國家氣運之升降恒必錄
之我

明制科錄士卷

列聖作人之意憑

廟社默萃之靈名碩挺生

代有奇偉或以理學或

以經濟或抱良史材或

傾朝野望均之以致用

而達務而文章實券之
豈願掇拾皮毛問津乎
句者成以至今日卒躡
文勝之譏且深文教之
慮意者知達世而不知學

古之惠乎古文自周秦
來史集浩博之可彈窺
才高名宿者自能讀至
全書然向汙漫之游制
舉家恒病焉即有苦心

嗜古之士造之束於功令
疲於八股以其苟撓而
歷覽之庸可幾乎是不

若以徑省為王以簡要為
歸取生足以翼聯經而

關名教資世務而潤性
靈者今其易而可循約
而可守卑弱之習既不
溺於蹈空而浮詭之病
後不中於新奇庶幾哉

文軍統系不以羣喙爭
鳴之日而遽斁乎此純
臣民所以不得已而有文
統之選也純玉上窮靈
夏之典以探近代之籍



學必期於希聖才不欲
以先人咄然若木而精
神包絡者不可量其於
文年特餘事耳往年余
在南都垣城尚書孰偕

付梓人會北上來果令
文統告竣而名書次第
行世余不敏敢後數言
以弁簡首幸世之曰此
文之爲也而怯一灾

木也

西吳盟弟毛湛脩之

甫



五 茲 參 三 木 實 所 華 聖 祖

所 爲 之 在 於 天 之 以 爲 之

本 於 天 之 以 爲 之 本 於 天

本 於 天 之 以 爲 之 本 於 天

本 於 天 之 以 爲 之 本 於 天

古今文統序

古之學者窮理盡性以至
于命以達于天曷嘗不繇
博約之功格致之用者乎
是故參三才貫萬事聖神

同揆顯藏一致守之和順
道德拓之彌綸天地龍潛
而確不可拔利見而塞不
可變大人之事備焉而非
學無以臻其極也學不宏

識卑器小學不精氣器神
襍無靜深以澄其體無義
理以養其用無廉耻以砥
其節隱污媚柔中於心腑
欺世盜名逢君竊位富貴

利達炙手輒靡踰大閑而
不顧安望勛節垂金石文
章耀天壤哉益惟居身無
品立言必無氣繇中達外
斷不可誣奈何視性命文

章截然作兩事耶士君子
生逢

聖世當思文未喪天道未
墜地守先待後統系攸屬
謂宜尊聞行知驗今攷古

緯武經文練事綜物使胸
中磊落光明衮影無疚然
後積厚流光蘊深播彩發
而爲文章沛若江河煥若
星日以之用世則道行而

舉世享其利以之持世則
道明而異代蒙其福雖有
姦權邪佞不能分竊其英
爽疾風暴雨不能蔽蝕其
精霸斯天地至文而飛寔

騰聲特餘事耳今天下豪
異挺生文盛已極吾未知
明體適用果足黼黻
明時弁否而獨是日討八
股耦對而訓練之又蹈子

書殘藩而服習之紫色龜
聲餘分閏位咸得而司其
令是尚得有文事哉循本
而揀之莫若先正其統正
統奈何亦惟是上徵古聖

立言芻豢參筭賢謨述藉以
續千秋未蝕之靈緒閑淫
邪未潰之狂瀾斯已矣六
經而下或離或合或偏或
全豈皆進乎聖賢之奧究

乎仁義之歸而竒文霽秘
遑遑震發其間好奇辨博
之士恒兼總條貫恣其探
取而典要不必存焉故夫
稽典要之所存而究其綱

紀則有布令陳辭以正訓
四方獻忠納牖以對揚天
子達彼此之蘊而攄其忱
惓綜成事之備而對其典
到本經術以析事援成敗

以定謨萃羣言以流藻婉
而明激而辨著而昌深而
隱時代不同作述亦異要
必其可以攷先王俟後聖
歷久而無斁者斯稱焉爾

若夫詭肆幽僻汪洋自恣
逞橫議之口波外周孔之
正教此在離經叛道者好
之予弗之取也陳履常曰
善爲文者因事以出奇江

河之行順下而已至其觸
山赴谷風搏物激然後盡
天下之變子雲惟好奇故
不能竒也王元美亦曰尚
書稱聖經然吾斷不敢以

爲法而擬之者盤庚諸篇
是也二公之論如此則今
之寢食太玄割裂聖經者
其亦未之聞乎原其所以
篤好之而不解抑亦有故

數十年來帖括熾興漸忘
古典卑靡之氣盈于宇宙
才人搔首而歎志士扼腕
而傷不得不取精于奧博
之林游神于瀨渺之域思

有以救其敗闕而卒也淫
蛙襍奏大雅淪亡豈其通
經學古之不足亦其統系
源流之未辨也歟是雖使
學羅海外才越古人而博

約格致之塗析之未清窮
理盡性之功參之未確尚
可與幾乎達天至命之學
也哉故吾茲選斷始自春
秋傳文大禮檀弓記歷朝

史集迄乎

聖代凡其協乎性情體乎

忠孝參乎天人關乎治忽

者一皆列而存之釐爲一

十有六卷敢謂斯文在是


要以統系存焉耳統之所
在如日月中天羣星隱曜
共主御極列侯式命中朝
制世四夷來王彼紫色龜
聲餘分閏位無敢並衡而

攘竊之矣先聖有言曰文
不在茲乎蓋言統也承先
聖者敢自誣其統哉

崑

崇禎二年立秋日儒林古

吳張以忠純臣譔



漫書

始選文統昉於左氏傳文迄於
昭代專取十有二家以體裁爲
主他不槩及茲因徇賈人之請
故兼有所存未敢示所取舍俟
是書先行嗣有古四大家唐宋

四大家

皇明四大家三刻

古今著述如林汪洋淵灝讀之
者若汎海無津極目遐搜未探
一二茲僅取目前爛熟睹記之
文而輯之亦何所取爾也奈規
利者欲便童習竟以舊抄本付

之選軼鴻文悉入二集

聖經與文同集義竊未安故五
經抄另行茲集不載

子書熾興奇袤橫出始而崇旣
而詆均之未涉其藩者也予茲
選雅不欲揚已濫之波又不欲

效同辭之擯故悉置也
收嗣有
子書崇正全刻

西山正宗嚴於論文并嚴於覈
品故名
家文
遑遑而軼不少貸
也
茲選竊取其旨
斧鉞維嚴
斲
雄邪佞毫不敢借
至如李斯督

責揚雄美新等篇雖極爲古人
所賞寔爲名教所弃故弗錄
古文選集出名公手裁者如西
山正宗迂齋文訣諸書坊中竝
無佳刻而卷帙森然者謏劣特
甚或翻前刻而加以訂補或托

大方而恣其謬悠最腐者陳陳
相因之譚藪尤陋者某某借冒
之品評世顧不訾而誦習之遂
使么麼小書亦且家弦戶誦吾
未解也茲選特痛懲之
奇賞諸編盛播海內自有全帙

可誦故評騭槩不具錄

品藻古人是非當否務真務確
非飾觀諛聽之謂也自宋迄


明選集競出評論亦侈不能悉
載特取真確者存之爾誌之簡
端者取裁大方約什有七至

明文則悉贅以臆見其載在篇
末者姓氏固具列云

是編僅爲制科舉業家設通方
之士時或病諸故擇焉不精語
焉不詳自忘固陋愧悔良多

沈括云宋宣獻博學喜藏異書

皆手自校讐嘗謂校書如埽塵
一面埽一面生故一書每三四
校猶有脫誤是編三經手校用
意頗勞點畫之訛百無一軼



古今文統總目

祖集

卷第一

春秋左傳文

述集

卷第二

春秋外傳國語文

春秋公羊傳文

春秋穀梁傳文

禮記檀弓文

堯集

卷第三

戰國七雄文

百全子集
目錄
舜集

卷第四

西漢文

憲集

卷第五

西漢文

章集

卷第六

西漢文

文集

卷第七

東漢文

武集

卷第八

季漢文附魏文

六朝文

上集

卷第九

唐文

律集

卷第十

唐文

天集

卷第十一

唐文

時集

卷第十二

宋文

下集

卷第十三 宋文

襲集

卷第十四 宋文

水集

卷第十五 國朝文

土集

卷第十六 國朝文

總目畢

